





RECTOR
 ACADEMIÆ WITTENBERGENSIS,
ANDREAS
SENNERTUS,
 LINGVARUM ORIENTALI-
 UM PROF. PUBL. ACADEMIÆ
 SENIOR, &c.

CIVIBUS ACADEMICIS
S.P.D.

(Faint, mostly illegible text, likely bleed-through from the reverse side of the page)



SI, quantum meruit jam diu
ultra secula septem Domus BRAN-
DENBURGICA in universum gloriam
famamque, tantos etiam ab Imperio hoc
Romano, proprio Germanis, fructus ferre semper po-
tuisset, mirum equidem haud foret cur Ordines omni-
no omnes, sacrosanctum caput Cæsar maximè, certa-
tim instaurarent illi præmia. Tametsi culmini Augu-
sto ejus, Regio æquiparanda (Reges enim Electo-
res-Principes ab Augustissimis Imperatoribus, incom-
parabili nimirum MAXIMILIANO I. CAROLOQUE IV. &
inprimis V. maximo post Magnum, salutatos esse no-
vimus,) nil addi posse videatur; refert tamen, ad me-
moriam posteritatis conservare merita illustriora illu-
strissimis. Jam tempore HENRICI AUCUPIS, adversus
irruentes sæpe barbaros, SORABOS, VENETOS, SLAVOS-
QUE alios, Imperii, ad oras MARCHIÆ ac SAXONIÆ, cu-
stodes constituti BRENNI illi Antiquissimi, in ZOL-
LERANIS etiam Comitibus, RUDOLPHO, OTTONE, FRI-
DERICO I. II. & sequentibus ad EITEL-FRIDERICUM, (qui
CLEMENTIAM RUDOLPHO I. Cæsari ex Habspurgen-
sibus, Sororem junxit Conjugem,) Heroës inclyti. Ab
hoc SEMPER-AUGUSTO consanguineus Imperatoris di-
ctus in Cæsarea peculiari tabula, *Gemundæ* publi-
cata Anno 1281. Noribergensium Burggraviorum mu-
nus atque dignitatem jure non, ut ante, beneficiario
& revocabili, sed in hæredes transituro, & cum eo pa-
cis

cis publicæ custodiam, in controversiis civilibus vicariam Imperatoris potestatem per judicia provincialia in terris regionibusque destinatis exercendam, reportavit. Prima, inter Principales Domos, BRANDENBURGICA elogiis magnificis ornata legitur in operibus *Gylmanni*, & donata minerarum omnis generis immunitatibus & privilegiis à CAROLO IV. gloriosæ recordationis Principe. Deficeret & charta nos & dies, si per Annales retrò longiùs iremus, ostensuri, HABSPURGENSES inter atque ZOLLERANOS Comites arctissimam necessitudinem intercessisse olim, à MERANIORUM Ducibus, ab ALTORFENSIBUS, KYBURGIIS, & GVELPHIS vetustissimis amplificatam latè. Verum enimverò possint aliis videri nimium remota hæc à laudibus exempla, diuturnitate temporum detrita; cum in unico FRIDERICO GVILIELMO MAGNO universæ singulorum Domûs Brandenburgicæ miraculorum dotes præsentissimè appareant. Quinimò, si nil esset aliud, quò Domui BRANDENBURGICÆ, Augustæ illi, fateretur se Germania devincta, solus is, qui nuper memorabili cum pietate providentiâque valedixit his terrenis, propior jam septuagenario, sufficeret divinus Heros. Intra Annos undequingvagina tot tantasque res rarissimo successu gessit; ut, qui facta legerit ipsius, non unius seculi agnoscat faciem. AUGUSTUM Cæsarem Tranquillus autor est, *lateritiam invenisse Romam, sed marmor eam in morte reliquisse*. Fallimur? an, quas vicesimo ætatis anno regiones, inter arma nullibi non circumstrepentia, exhaustas vastatasque bello diuturno adiit hæreditariâ successione FRIDERICUS GVILIELMUS, non solummodò pacatas, sed florentes etiam, ac strenuè assertas, contra quosvis hostium insultûs,

) (2 plu-

plurimisqve Principatum accessionibus, Borussiae su-
premo axioma, Germaniae primatu auxit Magde-
burgico? Cum exteris congressus pariter Monarchis
pluribus, inprimis Thracio, & inter Scythas Sarmatasq;
olim victos circumvolitavit medius; nec, nisi fortitudinis
relictâ admiratione, cesit. Usqve adeò in Orientem So-
lem & meridiem illius fama longè didita extendeba-
tur gloriosè. Ad volumina & vasti operis contextum
pertinent, quæ Artis pariter ac Martis monumenta
vulgò audiunt, à Magno hoc Octoviro erecta. Se-
paratim bellicas res gestas & virtutes, in compen-
dio duntaxat tamen, referet cum laude, atqve impetratâ
nuper veniâ in Templo Arcis Academico, ad pomeridia-
nam III solenni ritu recitabit hodiè, Juvenis ingenio
& eruditione Florentissimus, **FRIDERICUS AU-
GUSTUS LÜEDECKE**, Halensis Saxo. Proban-
dum maximè hoc pietatis debitum, nec committen-
dum unqvàm, ut memoria divinisimi Herois postero-
rum gratæ recordationi subtrahatur. Non tam faxis,
marmore, ac perenni ære, quàm æternitate literarum
& ingeniis per ora volitant & auras Principum Ma-
gnorum merita. Vos ergo, **CIVES ACADEMICI**,
adeste frequentissimo confluxu postea, peractis ritè sa-
cris pomeridianis, vota nuncupantes Numini pro Do-
mûs utriusqve conjunctissimæ, **SAXONICÆ &
BRANDENBURGICÆ** salute publica! Hoc enim
tempore, quo Successori novo, **FRIDERICO
TERTIO, ELECTORI** Serenissimo ac Potentis-
simo obsequiosæ voces, & cum precibus redduntur
gratulationes omnis generis à Suis, nec à nostra alie-
num pietate est, applaudere. P. P. Festo ipso SS.

TRINITATIS, Anno reparatæ gratiæ,
clò lbc **XXCVIII.**

f.

G. C. KIRCHMAJER.





RECTOR
 ACADEMIÆ WITTENBERGENSIS,
 ANDRIAS
 SENNERII
 LINGVARUM CONS
 UM PROF. PUBL.
 SENIOR,
 CIVIBUS ACADEMIAE
 S.P.D.

